

Conseho di Departamento di Labor no tabata worde sigui **EX-MINISTRO HENDRIK CROES A ABUSA CU DUNAMENTO DI CASONAN PRO DEO**

ORANJESTAD(AAN) -- Recientemente Corte a dicta sentenciâ den un caso cu un ex empleado a entama contra Hyatt Regency pasobra

el a ser retira.

Ta trata aki di e homber R., kende a worde retira for di Hyatt pasobra como cahero den casino tabata falta placa den su caha.

E interesante di e caso aki tabata cu abogado mr. Caspar Hese a señala cu R. a haya abogado pro deo na un forma inhusto ya cu R. ta

gana suficiente placa pa paga su mesun abogado.

A worde muestra den Corte cu apesar cu R. su entrada pa aña ta casi 45 Mil Florin, Ministro di Justicia di e tempo ey, Hendrik Croes a dune un abogado pro deo (abogado cu ta worde paga door di pueblo). Es mas, Hendrik Croes no a respeta e decision di Departamento di Labor cu a rechaza e peticion di R.

Informacion cu DIARIO ta dispone di dje ta muestra cu segun ley personanan cu ta gana maximal 15 Mil Florin pa aña ta bin na remarke pa haya un abogado pro deo. Den e caso aki ta trata di un persona cu ta gana no uno sino tres biaha e suma stipula pa ley.

Ta asina cu R. a aplica pa un abogado pro deo na Departamento di Labor pero esaki a worde rechaza. Ley ta permiti uno apela e decision di Departamento di La-

bor y esey tambe R. a haci.

El a bay cerca Hendrik Croes y notable ta cu Hendrik Croes, sabiendo cu no por duna R. un abogado pro deo, a haci esaki toch pa asina pueblo paga.

Juez a evalua e caso y a duna mr. Caspar Hese razon y a para e caso. Despues e caso di retiro a worde trata y aki tambe R. a perde e caso.

Aki por mira claramente con husticia a prevalece. DIARIO tin etendi cu tin diferente caso similar cu a tuma lugar cu e Gobierno anterior, siendo cu esaki ta ser considera como un violacion di ley. Dios gracia cu Aruba ta conta cu Juezan imparcial, kendenan si ta para tipo di bagamunderianan asina.

Esaki ta un prueba con malgastamento di placa di pueblo tabata tuma lugar cu aprobacion di e Gobierno anterior, siendo cu el a ser avisa pa no haci tal.

Ministro Watty Vos

JUEZ COMISARIO TA ESUN CU POR AUTORISA TAPMENTO DI TELEFOON

ORANJESTAD(AAN) -- Manera ta conoci, dialuna Conseho di Ministro di Antiyas a reuni cu Conseho di Ministro di Aruba.

Despues di e reunion a tuma lugar un conferencia di prensa, caminda Ministro mr. Vos a muestra cu un di e puntonan importante ta e "ontwerp eenvoudige landsverordering" cu a cuminsa for di tempo di Gabinete Eman I pues Gobierno ta familiar cune.

Segun Ministro Vos, tin algun cambionan cu a worde haci cu a worde acepta pa

Gobierno dialuna.

Di e forma aki Gobierno ta haya mas posibilidad di investigacion. Por ehempel e tapmento di telefoon, Ministro Vos a indica cu esaki ta mas bien den casonan penal caminda ta Juez Comisario ta duna orden pa haci tal.

Esaki ta un di e cambionan cu sigur lo yuda Ministerio Publico den su investigacionnan. Di otro banda e acusado tambe ta haya cierto garantianan cu Gobierno ta

haya ta hopi importante den un comunidad democratico.

Den e reunion a papia encunto e "raadkamer", si ta tres persona mester sinta of uno. A keda dicidi cu ta tres persona ta sinta y tuma e decision. Ora den "raadkamer" mester dicidi ariba un caso, e Juez Comisario cu ya caba a tuma e nota di e caso y a tuma un decision ariba e acusado of sospechoso, no por forma parti di "raadkamer".

METEORO A CAY NA ARUBA

ORANJESTAD (AAN): Riba Diadomingo anochi, varios persona a kere cu realmente tabata tin meteoronan ta destruyendo mundo, ora cu CBS (canal 16 riba cable) a pasa un pelicula cu hopi hende a kere cu tabata berdad.

Sinembargo for di varios comerciante den Engelandstraat a ricibi keho, cu ta parce cu enberdad un meteorito a cay den e caya mencionada.

Despues di e awaceronan di luna pasa, ta parce cu e caminda aki a keda mescos cu ta riba superficie di luna bo ta. E autonan tin tur sorto di sonido caba. Nan ta spera cu algo por worde haci pronto.

COBRA SI, TRAHA PA PUEBLO NIET !!!

